

駢驄衣黃者二十餘霜卒莫得其要領徒文繡乎
土木而宮室乎陵岡於戲皇哉明哉明哉皇哉亂
曰因天成人合乃神兮虛有實無衆則愚兮靈寵
光豔趣則驗兮岑牢往祀嚇來世兮當心者真必
羨今彼美洸
廖道南鳳山書院賦有序
源別號震

山爲湖廣督學寓蒲筆修鳳山書院時道南爲諸
生蔡公乃命作鳳山賦其辭曰霞山先生仰謙
山之巉巖俯渙水之洸洋背艮岫以枕陰面晉旭
以賓陽于是乎經野覲土諏日擇吉鳩工聚材測
景平臬伐異木以爲宇拔泰茅以爲堂隆大過以
爲棟建書院于鳳岡蓋以植人紀樹天綱考法象
陳曲常而永垂丕休之烈于無疆也爰有三湘公
子九疑丈人馭黃鵠之颺輪參繡麟之雲輿抗招
搖以遐征指攝提而上馳躡巉巖而眺望肆懸河
之修詞公子曰竊伏湘濬遐哉邈矣不圖今日院
斯落矣青青子衿于胥樂矣且吾聞諸蓬萊之陽
扶桑發頽迷穀揚彤檄蜚映波其屈縮枸杖搖與
其菁葱廼有青陽之宮綺疏繁星藻稅宛虹安
涉咸池而洗日羨門登暘谷而凌空崑崙之西